

邃懷堂詩集前編



邃衷堂註集前編



光緒三十三年
六月重校刊

邃懷堂詩集序

論才者盡於三天地人是已而人實兼天地之才以爲才故人才亦盡於三吾於詩也決之矣夫晦明寒暑日星風雨無始無終忽來忽去此天之才也以詩言之則爲大才山川起伏草木榮落蔚然而深繚然而曲此地之才也以詩言之則爲奇才眉目秀長手足端方精神吐納聲氣沈揚此人之才也以詩言之則爲清才大才則前有陳思後有子美韓蘇其庶幾焉奇才則青蓮長吉異曲同工此外無聞也惟清才

邃懷堂詩集

序

一

則似易而難似廣而狹其派亦有三陶韋元白溫李而已樂天有時似陶韋微之有時近溫李然未有能兼之者兼之自我穀廉年丈始矣年丈與余爲忘年交出示所作邃懷堂詩集并索弁言蓋謬以余爲知詩者也受而誦之反覆再四誠犁然有當於吾心且幸與瞽言之冥會也夫譽文必曰韓蘇譽詩必曰李杜是猶以周孔譽程朱固知音者所不爲亦知言者所不受以爲皮傅之談無關輕重重之適以輕之也特是陶韋溫李詩派不同聞者將以爲恠吾不知讀

三百篇者其能岐溫柔之教與敦厚而二之乎况淵
明之賦閑情蘇州之詠燕寢凝香彼蓋兼長綺語而
不肯爲此則泛愛香奩而不忍棄耳其爲清才則一
也世有慕大才不能而爲沌渾之鑿者效奇才不至
而爲息壤之盜者此皆年丈所不屑爲惟不變其清
以不病其才其爲詩也一如其爲人也故於詩爲清
詞而於官爲清吏此固行道知之矣何待余言而後
信耶

咸豐歲次丁巳九月下澣年愚姪何栻謹序

蘧懷堂詩集

序

二

拙詩已刻者有邃懷堂詩集前編五卷癸丑五月棗
板燬於火未刻稿若干幸存行篋茲借楊素園大令
活字二十餘萬排刷前後之詩共九卷以質同志燕
石敝帚亦天壤中一物不能自棄然鈎除者已十之
三四矣丁敬禮曰文之佳惡吾自得之陸士龍謂其
兄士衡曰因今清靜盡定昔日文數年來簿書期會
戎馬倥偬絕口不談風月丙辰季夏葛陽卸篆閒居
半載始得手訂此編回憶六甲一週星迴燧燧不過
俄頃自問何所成就惟是蠅鳴蟋蟀作陽五伴侶亦
邃懷堂詩集

序

一

顏快也已咸豐丁巳孟春月邃懷堂居士自記

題詞

會稽 王文瑋 窗山

推袁非一日如見古詩人造境先求澹言情只貴真
時危花涕淚身健鶴精神半醉驚僮僕新篇起讀頻
先生時宰廣豐余適
因公至署讀其大集

案已留無牘清談夜未央鼓嚴知政肅賦急信民良
四野幽風在三年愛日長近山多落葉送我正斜陽

吳縣 吳艾生 引之

鱗鴻咫尺互傳賤同里芝蘭氣味聯宦跡並羈千里

邃懷堂詩集 題詞

一

外神交已訂十年前名山事業新詩富上考聲華令

尹賢他日儒林循吏傳著鞭我媿讓君先

國公至署覽其大集
武生和辛與豐余應

非袁非一日如見古詩人造境先求澹言情只貴真

會稽 王文瑋 窗山

邃懷堂詩集前編卷一

寶山大袁翼

讀三國志偶成

借箸辛勤入幙來等閒程郭漫參裁賈生神鬼虛前
席魏國河山惜此才空器塚中猶飲恨秘書身後已
成灰難憑露布消疑案風雨長門事可哀

操戈入室霸圖傾血戰黃沙夜斫營射敵正嫌強弩
少開城忍見小兒迎彫零家世三公貴慘澹頭顱萬
里行深惜本初豚犬子冀州人物有良平

邃懷堂詩集

前編卷一

妖讖當塗正朔新廬山亦有采薇人十年遼海詩書
化三字孤忠草莽臣木榻春秋猶記漢桃源甲子久
忘秦雲霄杳杳翔鴻鵠龍卧眞憐盡瘁身

褚河南桃硯歌爲上海薛訪庵明經作

藍田剛破春烟碧鳳唳紅絲出奇石物以人傳物亦
靈光怪安能掩沙礫太原公子眞英雄七年帝業繼
沛公修文偃武定禮樂揮灑宸翰鍾王工輕軺使者
載金帛奉詔購求逸少迹御史大夫褚遂良獨精鑒
別搜毫芒官家含笑賜宮硯端友一握珍珠琅老臣

心堅誓同石玉几顧命辭煌煌田舍兒郎半臺閣易
婦多收十斛穫永徽禍水卽才人愛州遺疏仍忠諤
佐人翰墨補忠孝完汝精靈壽河嶽淬妃攜贈河東
家一夜吳淞水波澗研山峰聳米老拜連城璧受秦
王愕先生得硯乃築堂摩挲日日探縑囊橫廣三寸
徑五寸高厚一寸如矩方左缺一角紫筋露墨池新
月斜昏黃流傳不知幾易主額端二字重文藏池中
碧桃色欲活小鳥踏花啄新月銘詞八字釵股文其
左凹稜露山骨觀公書法如龍跳松風凜冽烏臺高
邃懷堂詩集 前編卷一 二
融煤想其草白簡紺雲暈入玻璃均同殉者柳奭筆
同濺者韓瑗血司農之笏久破裂此公黑面不可折
卽墨大夫世食邑留與子孫厲名節嗚呼香姜銅雀
徒盛名何如鐵漢同錚錚滄桑千載歸塵劫去伴文
山玉帶生

贈毛申甫騎尉

讀書必讀司馬遷交友必交魯仲連男兒束髮在世
閒安有媚骨如嬋娟向人輒談忠孝事孔光何曾識
一字眼前多少可兒墳風雨殘燈青史淚吾知鴻鵠

之雛無凡毛破殼志卽凌烟霄吾知驥子墮地尾卽
掉嘶風欲躡燕雲道毛生少年多慨慷著書堆垛黃
竹箱小婦調羹奉大婦慈母王母俱安康錦官城西
曲江北哀猿啼過花無色一泓碧血化琉璃中有忠
魂招不得歌殘勅勒蠶叢秋遠道當年馬革收 聖
朝報功世官祿努力克紹前人裘與君異姓爲昆季
今夜高談不須睡好擘縱橫十丈箋寫盡蒼茫萬古
意

壽孫雪村先生五十

邃懷堂詩集

前編卷一

三

東風吹階瑤草香吳姬織手稱霞觴羅列漢瓦爲君
壽長生延年與未央憶君家世興公裔累葉垂絳重
庚第綺歲能裁走馬詩壯年便挾騎鯨意枌榆同蔭
塢城隈嘯月時邀賤子陪江敷壞牀非讓客魏徵遺
笏未成灰勝朝季世事旁午中丞出按登萊部中丞
火東
先水柵連營蠹假樓火瓢發軸飛神弩中丞著火
器譜三卷帳
下兜鍪盡叩頭虎牙豹額冠軍侯距河不意懷光反
剗地空聞解律收南衙北厥籌邊策辛苦流民營碣
石赤眉青犢蔽天來萬里長城壞可惜日月光華矢

載囊先朝忠義 詔書褒徧求處士青門里同獻奎
章紫玉毫攬車卻笑螳螂臂夜半妖星墮蕭寺十口
圍城話死生一泓舐血哀昆季四先生里讀書臺賸
有雲孫隱草萊使者急徵龔勝後名王交薦陸機才
婁江暮雨濤聲洶復社壇荒卸簾幙弟子還思負笈
來黨人已罷懸金索白頭故妓尙看山漂泊樽前認
翠鬟書傳卻聘嫖姚幙 詔待承明供奉班星輶夜
駐全羅嶠奉 節諸生年正少 松坪學士以二品頂
戴使朝鮮時尙爲諸

生家世中朝第一人

候人早向單于告采詩歸後

四

國恩深薇省香飄侍從簪四海鶴書徵士錄兩年狴
圍直臣心君今老屋棲淞曲杖杜花紅古槐綠風月
兒還似謝莊詞華婦亦如徐淑擇婿曾垂郭瑀帷吾
家蕭洽愧瓊枝丹青同作清門庶杯棬猶鑄祖德詩
蹉跎半百憐弧矢我爲君歌拂衣起消受香名錦瑟
旁塗殘舊稿浮圖裏餘杭沽酒路三千應向蘇門祝
地仙昨夜蟠桃大如斗紫鸞銜上菜根筵

病瘡不食河豚

江淮產異味欲拚一死消如何西子乳不付廚娘燒

汀蘆白芽短諫果紅鹽調右末雜薑藪老辣增蜀椒
覩茲烹鮮佐流涎唇如澆春盤罷絲雞此魚乃充庖
昨宵颺母怒鱓鮓隨奔潮鳴榔展九罟潑刺歸漁刀
氣毬大若脹活東小猶跳腥風煽曉市魚肆聲喧曉
柳枝貫顛頰手拾誇寥寥叉尾忌如燕黃綬辨圍腰
膜脂刮七首塵埃除窻寮快供老饕啖休避北客嘲
盤飧盡可屏豈必求江珧病夫食指動座友苦諫撓
謂是腐腸藥命莫輕鴻毛夙性惡讖語遂致守口牢
生年本非卯犀筋偏停操作詩謝坡公幸勿哂我曹

窳懷堂詩集

前編卷一

五

過吳梅邨先生故居

車下巢由未乞身滄桑無計作完人百年風義師門
重一代興亡樂府新窮海移家悲幼女故宮私祭話
遺民荒涼庾令南朝宅落盡梅花逐馬塵

界溪訪玉山草堂遺址懷顧仲瑛先生

金粟山人道士裝小蓬萊閣夜飛觴階前翠石新詩
卷劫後神龜舊草堂黃鶴披繪題鐵老青燈翦韭說
張王繁華指點前朝樹猶向星溪縮夕陽
烏絲紅袖擁神仙半壁東南別有天眉宇本飛豪士

氣昇平難得至元年墩尋幡綽聞絲竹墓冷濠州碎
瓦磚一代傳人皆座客白描圖仿李龍眠

虞山雜感

夕陽門巷尙依稀萬軸牙籤燹火飛江左文章前輩
健黨魁心事暮年違謝安豈爲蒼生出庾信新從鄴
下歸蘭葉漂零桃葉老祇因兒女一沾衣
鮑參軍與杜司勳絕代才華自不羣壯志誰填東海
石初心忍負北山文秋風故國生紅豆夜雨荒樓鎖
絳雲知否白衣歸尙著會稽山下有徵君

窈懷堂詩集

前編卷一

六

合歡詩稿手同編獄起黃門事惘然人喚奈何招燕
曲我聞如是散花禪才人多壽非全福俠女傾城種
惡緣不向恆河問空劫荒莊猶有耦耕田

吾谷初開一樹檠海昌佚事闕東華雲封石壁遺民

墓春到梅花祭酒家空有黃金買佳傳更無狎容奏

琵琶可憐夜半招眞治化鶴人歸月正斜

瞿忠宣公墓在拂水

巖下相傳公夫婦化鶴歸來集於里之會元坊

謁蘇園題壁

於今草木皆遺澤在郡曾無十四旬紹聖之間存碩

果青蓮而後又仙人騎鯨汗漫孤忠氣磨蝸功名多
難身百歲神遊在吳地秀靈不獨擅峨眉

詩中別有華嚴界身後猶傳笠屐圖手合鈞天洗箏
笛胸將滄海吸江湖宋家無地容遺老遼使逢人間

大蘇我向公祠祝生日前生或者是公奴

時十二月十八日前

公生日

登金山妙高臺用東坡先生韻

大江挾金焦簸弄兩丸子詎知兩山間勢束一萬里
妙高峙巖阿譬如菌生耳容我一稊粟坐看白雲起

邃懷堂詩集

前編卷一

七

其下石嶙嶙芒屨刺成砥尙留坡翁書墨痕照僧几
中冷啜七椀落齒更生齒有田何不歸我亦誓江水
誰爲證此言水中鷗鷺是鷗鷺似解答各心爾未死
由蔣山抵靈谷寺偕雪朗上人觀八功德泉

廿五年前舊行跡一雙屐印蒼苔石大師或者昧三
生堂後我知七十級水流花落景依然破崖添得寒
雲碧松風百仞吹螺鬢病夫踴躍如猱攀烟霞痼深
性命賤山靈失色驚癡頑石橋路轉渡絕澗身入松
林天一綫古院包山不見山入院始窺山正面峭壁

拏空手可摩及到山根又逢院飛泉石罅流成窪潺
潺不雜恆河沙夕陽一塔一僧影我亦合掌參迦花
老僧欲吸西江水鐵翦飛來翦蛟尾出山泉濁在山
清此諦菩提笑相視四祖瞌睡一千年獅子聲雄喚
不起回頭天際蔣侯祠樵路已迷白雲裏

康山草堂歌

安得好風吹至此小璫耳語老璫喜三秦豪傑有幾
人願公好爲高力士豪傑伊何人莫非夢陽李先生
爲我醉百觴我爲狂生貸一死獄中留得生空同世
邃懷堂詩集

前編卷一

八

上已無完武功才子誤他遊俠傳英雄甘作可憐蟲
一朝糾劾紛臺諫覆雨翻雲交道變紙糊閣老泥尙
書如此朝廷安足戀羯鼓三百副花奴好顏色一箇
纏頭一闕詞練裙潑盡淋漓墨家兄內閣書可通請
以琵琶擊此賊當年已效楊龜山今日豈作王摩詰
月色江聲舊草堂梨園弟子競登場先演弇州鳴鳳
記次演東錫中山狼

爲縵雲鍊師題楊子鶴黃鶴樓畫卷

我生於世多百愁一拳欲碎黃鶴樓黃鶴仙人訴眞

宰謫我縹緲虛無洲三百六旬杯在手一十萬載月
當頭正平太白不復作此意寥落無同儔子鶴既生
黃鶴死黃鶴後身毋乃是異時空寶王修微當日曾
摹楊妹子眼前翠虬飛丹臺五嶽方寸安能平酒酣
潑墨忽大叫鐵笛迸裂癡龍驚虛堂夜靜不敢寐鄂
渚倒瀉黃河聲寂寂風櫺并霧戶鶴背身輕未能舉
弟子還收逸少書天娘已罷開元舞劫火零縑二百
年荒墳夜發樵人斧慧業華鬟翰墨緣誓同身殉臙
脂土周后瑤光手檢藏昭陵玉匣心酸楚珍珠淚滴
邃懷堂詩集

前編卷一

九

芙蓉枯八關齋律皈團蒲愛描龍友梅花卷分贈藍
家蚊蝶圖淒然夢落銀河角老去才人一个弱我向
燕南學販繒師向河東歌放鶴他日得登黃鶴樓題
詩再寄曇芝閣

家藏麻衣山人酒壺歌

山人名珙號柳莊明永樂中追贈太常寺少卿

余十四世祖也善相人世比諸華山麻衣僧故號曰麻衣山人

麻衣山人吾祖吾知之青鞵布襪遊燕睡燕王真氣
驚戶牖低頭獨拜潛龍姿西山老佛未遜國北平病
虎方披緇君臣締構在藩邸將有大志窺端倪唐文

唐舉可與共把臂田辨許負不足爲其師周公輔成
家事定山人宣詔來丹墀客星毋乃犯帝座羊裘無
恙霜盈髭孤雲野鶴自疎懶再拜乞身帝曰咨梓人
爲卿鑄酒器若耶之銅光陸離雲雷饜饕不必仿周
魯虬蟠鳧飾不必誇劑劑五分六分之金錫居一一
升一豆之底無參差厚唇大腹并鼻口兩耳畧似偏
提持賜卿日飲壽無量曾孫百福惟汝貽酒家貰酒
官給值壺腹小篆鐫敕詞金牌奉詔吏皆識竹符調
水使不欺山人一斗而醉石亦醉壺中日月眞遲遲
邃懷堂詩集

前編卷一

十

氏非壺涿與壺挈器非蝕蘚與齧蠹輕踰小花蠻榼
鴟夷榼塋勝定州紅瓷越白瓷滄桑兵燹五百載子
孫世守同宗彝金則太腥木則液此壺手澤新鑲治
叔夜酒杯竟陵飲魏喜故笏文貞遺我今摩挲述祖
德以壺祀祖盛醑醪煖以婺州鶉鴿炭斟以克用鷓
鴒卮藏壺且勒銅壺詩

滬城感事

胡麻一飯本憐才錦屨初黏小院苔金盒贈將紅線
去珠紉深護綠翹來詩吟前度鸚哥解人瘦今年燕

子猜十箇旛鈴聽絮語替伊花底訴鳩媒
幾摺紅綃拭淚痕悔從夙世種情根連城縱有歸來
壁複壁猶留未報恩臺上簫聲吹弄玉閨中絲影繡
平原滿庭香霧空濛夜蕪盡旃檀不返魂
拾錦坊前舊伴稀釵鈿賣盡質羅衣商君欲按居停
籍謝女難誇解語圍鬪草興闌鶯送別落花風急燕
驚飛空房胆怯沙吒利夜傍章臺獨竄歸
反將貝錦困蛾眉荳蔻香消二月時逐客正嚴秦國
令銅花亦樹黨人碑家遷罨畫通三泖夢約湘靈陟
邃懷堂詩集前編卷一

十一

九嶷一掬淚珠朝洗面鏡臺不忍看癯姿
狂風吹落碧桃枝狼籍香紅點點脂萬里玉門身謹
日十年織室髮封時塞樓譜曲高常侍檀板無家李
教師啼到金烏遷客赦歸來樂部失蛾眉
鴟絃擱罷玉山積夢內流珠喚不回龍漢刮餘身化
石蛇醫春老色如灰漫憑蕙蕙求文錦空倩徐陵序
玉臺感逝賦成頭欲白夜牕營奠哭松槐

蕙幃塵掩黛螺枯荒塚春深長綠蕪通德妾談飛燕
事樊川市賣紫雲圖香燈鬢影心寥寂蕉鹿泥鴻跡

有無何處畫樓吹玉笛拚教十斗醉黃壚
囊琴弱歲走天涯愛向東京誌夢華攜酒好澆黃歇
墓餞春曾到泰孃家病中話舊迷塵影劫後參禪滅
智芽開徧年年申浦上相思草與斷腸花

題抹雲閣樂府後

哨遍翻成爨弄詞板橋十丈隔相思多情病燕猶銜
絮惹恨春蠶自裹絲山郭夕陽新酒店畫樓秋雨舊
蛾眉筆端綺語泥犁獄好向松龕禮秀師

虛名贏得在檀喉我亦歌場鞠部頭老去英雄都佞
窳懷堂詩集

前編卷一

三

佛替誰夫壻祝封侯一桮生死縱橫局萬里虛無縹
緲舟此曲人間聽不得青衫恐是白江州

滬城後感事

衣鎖牙箱歇搗砧蘼蕪細雨閉門深花袍白馬他年
夢冰柱紅絃此夜心點鬼簿殘荒彩筆返魂香少悞
靈禽笙歌小隊無人間留得蟾輝照獨衾

梨雲如夢復如烟瓜未成瓢月未圓合掌早能師白
樹苦心何至剖紅蓮八千遺籍文姬恨廿五從亡季
隗年豈識琉璃身比脆玉魚金雁殉嬋娟

到處逢橋說尾生百年春恨一燈檠芙蓉眉譜修仍
缺鸚鵡心經教不成蕩子黃驄漂泊債女兒紅豆淺
深情從今歸繡飛瓊履愁坐芝田十二城
桃葉重期打槩難流蘇低亞曲闌干坐懷豈可留三
宿作賦還應避五官箕舌謗騰皆惹苴鋤牙鋒剗盡
芝蘭門前一片橫塘水曾照驚鴻小影寒
赤闌橋外畫樓遮時有奇香洩淺紗搜到錦幃橫睡
鴨誤拋金彈打歸鴉天桃深巷疑無路飛絮東風不
認家一段奇冤腸九曲公私何待問蝦蟆

邃懷堂詩集

前編卷一

三

待年原未嫁王昌苦勸更衣出玉堂塞外烏孫馱病
馬鏡中鸞影化貪狼風姨酷妬醪醑粉鬼母私藏豈
惹香卻帶指環含笑逝韋皋愁鬢欲成霜
門掩枇杷認未眞花梢掐處指痕新曾呼李益奇才
子自號楊家善女人眠玉愛將書作枕倚幃還把瑟
量身又又深愧終葵寢囉噴聲中老采春
慧業三分福二分手書貝篋佛前焚金樓無復修形
史仙犬何勞吠白雲香徑紫蘭蘇小宅畫橋流水段
娘墳最憐雨滴芭蕉夜釧響猶疑帳後聞

素純擔誤謝芳姿苦守花前十載期周昉傳神無妙
墨薛濤寫恨有殘詩虛懸葦鏡觀泡影重到情天續
喘絲萬樹白楊青塚小紙灰飛盡禁烟時

誤盡微之記會眞杯弓蛇影幻生因定無照膽懷春
女尙有飛頭不死人酷吏請君多入糞蛾眉福地再
迴輪押衙手段談何易我輩僵蠶瑟縮身

請高忠憲公祠

神廟垂裳倦崦嵫日半淪長星將飲酒滄海竟生塵
乳媪妖姿治元孫踐祚新銀燈圍媪相鐵券賜雌臣

窳懷堂詩集

前編卷一

十四

木子茄花識天罡地煞人膝因呼父屈眉爲哺兒顰
鈎黨紛紛籍圍扉黯黯燐乾坤無正氣道學有傳薪
都諫丰裁峻先朝奏對親密謀誅石竇抗疏訟甘陳
狐蠱騰讒急貂璫矯詔頻王章催對簿張儉削爲民
海上逢遷客天邊夢紫宸闔心懲放虎公意尙批鱗
緹騎來倉猝遺牋寫苦辛大臣身不辱國士志難伸
聖世褒高躅前賢錫肇禋胥濤隨伍相湘許祝
靈均檐壓凌霜檜階欹著雨筠九龍橫遠黛雙鶴下
高闈景仰同摩碣馨香欲薦蘋梁溪秋色裏憑弔一

沾山

丹陽道中

耶許千夫緯迴旋九折波莽深荒壘蝕山老壤雲多
禿樹揩羸馬淤陂立野鷺寄奴魂不滅相與共悲歌
萬點蘆花外涼秋已早歸渡江雲帶濕過閘水皆飛
阿酒橋邊集零陵雨後穉織篷村舍女未識綺羅衣

次揚州

綠楊城郭萬人家不見當年樹樹花踏破芒屨是黃
葉越公墳上亂啼鴉

邃懷堂詩集

前編卷一

五

青漆闌干划子船捲簾人笑杜樊川玉鈞何處尋香
塚一稜西風苦菜田

無雙曲

生男不用成名士生女不用如西子鈿約無靈劔誓
寒並頭蓮守媽紅死嬋娟小字篆無雙色蕤雛年壓
教坊桐樹玉階詩句艷梅花紙帳夢魂涼蕙性瑤情
麝蘭骨顰眉不解流蘇結臂摺牢黏蜥蜴砂衾窩最
惜鴛鴦襪結伴山塘去踏青強邀翠幃坐娉婷十番
絃索開筵社四面琉璃蕩畫舫旗亭曲唱黃河好冠

玉人來逢阮肇蝶意徘徊鳳尾傳犀心縝密鳩媒惱
命是楊花夢是雲暗拈紅豆擲羅裙明珠有意貽交
甫繡被無期擁鄂君陌上花開再相見爲君不障芙蓉
扇珍重憐才一寸心銷除夙恨三生面桂閣晨粧
敏綺寮茶蘼一架蔭甘蔗崔生好倩崑崙負李益須
教鮑姥招情瀾愛語銷魂地旦旦申盟還督臂屈戌
鈎聲韜匝屏祕辛衾史眞珠字一別班騅萬里行翦
刀何處聘傾城誰知落葉哀蟬曲多帶嬌鳳寡鵲聲
無愁天子南都主燕子春燈盛歌舞綠巾七校習鞬
邃懷堂詩集

前編卷一

六

鷹絳節六萌催選女浣紗風格動三吳購色眞傾十
斛珠承嗣教歌留碧玉使君屬騎擁羅敷金殿承恩
深夜靜花冠不整鬢垂頸簾前月暈碧桃花窻裏人
聲紅戟影霓裳血污玉階端燭未成灰淚未乾內侍
勸斟長命酒大王親賜返魂丹朝元夜雨金鈴咽寂
寂銅鋪正愁絕曲院蓮陂舊夢歸內家鞠部芳名列
漏滴延秋特地長紫簫吹落瓦稜霜殘山牘水朝廷
小瓊樹金蓮狎客忙東林鈎黨幾湛族公子無家遊
五鹿千里春痕蝴蝶飛一羣水國蝦蟆哭采蘋憔悴

銅崇垣消息軒中鸚鵡言摩詰喬粧公主第李斯奉
帚趙高門北兵夜渡烽傳驛腰鼓宮人猶點籍匕首
誰驚呂用之刀圭難乞茅山客茂陵病渴長卿哀身
殉蛾眉爲愛才三尺孤墳元墓麓梅花如雪鶴歸來
王師戡亂櫬槍墮手挽銀河洗兵馬十隊青衣

救放回秋娘捷返胥江舸百花洲上曉唳鶯十二欄
干一半傾能唱當時供奉曲院中祇有郭芳卿挑燈
細訪韓從事碧草深深埋白甌擲地難將破鏡收呼
天便欲摩笄刺佳城松栢長新條碎佩叢鈴太寂寥
邃懷堂詩集
前編卷一
七
血淚好攀斑竹認香魂已逐綵絲飄寒食東風白楊
路遊人指點鴛鴦墓紅紅原不負韋青盼盼何容慙
白傅媚香樓上繪春風地老天荒恨亦同贖得崔徽
圖一幅夜牕頭白訴玲瓏

王雜樂府

謝詩選平註賦詞式天誤士測書文

北斗七星素屏下蜻蜒目睽香燈炮嬌娥坐倦卸耳
璫斜抱癡雲眠象牀夢裏檀郎悄無影露魂僵立玉
階冷梧桐欲墜銀箭殘膚貼鮫綃知背寒笙囊密貯

珍珠字蜥蜴金盤搗紅膩孤衾空掩合歡襪卻製小
衫裏瓊臂捲簾著眼豈無人不將輕薄嬌青春金丹
好駐妾顏色地老天荒尾生出

斫櫻桃

驕陽曝乾蝶衣粉櫻桃紅碎東風盡空山荆棘蒙瑤
芝檀奴藍縷回春姿割腸劍鋒閃雙目瘴雨無情妒
肌玉秦宮花底魂不宿桃子千年爛金屋教坊小兒
愛郎面聯臂婆娑擊金鈿五角六張不相見夢踏楊
花逐飛燕珠喉欲轉頤生渦水晶眠夢嬌秋羅

邃懷堂詩集

前編卷一

七

少年神

神之來兮翩翩花袍兮少年神之去兮杳然奩無釵
兮爐無烟神之居兮廁邊豈負公以登天神之享兮
腥羶乳爲漿兮衾爲筵小姑獨宿青溪側佛喜慳慳
人不識

相思土

相思土纏綿偷食金蠶蠱芙蓉帳裏長命燈蘭麝烟
中並頭語銀鐙活火煎鸞液擲盡黃金筒一尺三眠
三起蠶無力粉頤蝕淡臙脂色相思一日如兩潮藥

店飛龍骨漸銷

兩月婦

生男力耕不逢年生女織纈不值錢繡牕飢鳴轆轤
腹迴身淚落桃花前爺孃各自飢兄嫂不相顧布裙
椎髻奔夫家舅姑煩言夫婿怒淒淒復淒淒嫁雞當
隨雞唧唧復唧唧惟聞女嘆息問女何所悲黃金入
門妾身出妾身已鬻豪家奴願以妾價養舅姑蛾眉
託身未兩月反覆羞更新故夫

醉司命

邃懷堂詩集

前編卷一

充

打灰堆醉司命竈宮蠟燭搖紅影竈王今夜緋袍鮮
竈婦博頰姿嬋媽牽衣六女字察洽東廚眷屬皆升
天白芥黃芽壘滿甕淡泊盤餐與王共玉京帝所賜
王宴肝創麒麟胎剗鳳綠章恐王上天說主婦以錫
捫其舌吾家歲歲要王言不使人間造孽錢

羅溪行

羅溪濯錦春波香春波深處多鴛鴦鴛鴦飛去不回
顧落日相思溪水長蘇姬家住大橋側絕代蛾眉人
不識繡授韓娘譜易諳價高齊市簾同織陌頭年少

漫紛紛竟體芳荃首鄂君一笑褰帷春入夢三生立
石意迷雲日暮歸來倚修竹芸牕懶去添香讀青鳥
初窺玳瑁牀紅蓮倩寄氤氳玉誰遣昭華艷史留竹
西鼓吹占春秋幾家夫婿封侯去楊柳千條綠滿樓
芭蕉雨滴愁腸冷一盃蘭膏危髻影玉筋磨痕印鳳
窠篆煙心字灰猊鼎不是風來竹掃門金蟾屈戌暗
中捫烏啼深院紅綃夢犬吠東墻宋玉魂叮嚀寄語
蘇姑子拚把朱顏爲君死擁鑪密語鬼神知一幅盟
縑白如水斑雕金勒駐維揚公子情深念涓陽鸚鵡
窵懷堂詩集

前編卷一

二

數聲傳月榭鳳鸞十隊出霞房琴心領略相如好雙
成控鶴離瑤島宛轉迴文錦字多棄捐團扇秋風早
廿四橋頭花事濃可憐少婦望歸驄荆榛窳後塵顏
黑奩篋拋殘賊火紅黃衫俠氣鍾巾幗斗拱人聲飛
艷魄模糊劍誓滅三年珍重犀膠輕一擲到處青山
咽杜鵑雙眸挈挂白雲邊阿麼錦纜三千在難繫長
江一葉船雲英苦被瓊漿誤共命迦陵啼絳樹小玉
空圓夢裏鞋曾孫仍覓微時屨蕃釐一夜隕瓊花愁
對堂前七寶車舊日鳳釵歸篋內傷心鸞鏡又天涯

黑霜凋折忘憂草美人涕泣辭綦綺悔拈紅豆種相思
改著黃桂長入道湘蓮心苦藕絲牽慧業幽愁頓
懺捐除卻英雄難作佛更無粉黛不成仙河山風景
滄桑涕前度劉晨今又至屋曠空梁一寸埃門題賣
帖三行字書生魂向劫邊銷枯柳衰楓送短橈六代
繁華金粉艷一般蕭颯付寒潮畫眉惜少雙蛾在回
首當年時事改蟋蟀猶啼夜月中芙蓉同死秋江背
青衫潦倒我何堪離恨年來仔細諳河滿一聲鉛淚
瀉此身悔煞住江南

邃懷堂詩集

前編卷一

三

朝真曲

曾向蓬壺叩玉眞璇宮不隔白雲津二分明月憐孤
影一樹梅花悟後身金鴨心香灰未燼綠螺眉史譜
猶新情禪定被文簫破小謫紅塵十六春

簪花格妙寫青詞樓閣玲瓏網鐵絲絳帔五銖朝斗
夜靈犀一點選仙時墻連銀漢秋歸早門鎖金魚月
上遲縹緲碧城人獨宿天風無奈冷瓊肌

長生靈藥誤嬋娟碧海何曾化作田往事盡憑青鳥
訴新愁常抱白雲眠仙人幕設三千闕寡女絲彈廿

五絃善法堂開匏匹少坤靈扇牒本無緣

一桁簾衣宰地長水花雲葉總淒涼夢中智慧難成
果天上溫柔別有鄉銀闕步虛羅襪剗茜牕倦唾繡
絨香陵華自信真童女不向桃源魅阮郎

乳鸞啼罷女香開細雨銅鋪上綠苔怕逐素娥拜月
去愛隨神女化雲來迷離四壁鴛鴦影吐納三生荳
蔻胎卻怪壺中年亦促春鷓秋蟀盡愁媒

抱月纖纖尺六腰霓裳聲裏欲魂消偶將紈扇書唐
韻定有瑰辭謚洞簫閨苑雲深千里鶴金莖秋冷十

邃懷堂詩集

前編卷一

三

重霄幼微謝客丹房閉尙有才人說綠翹

紫清第一貌如花親拜真人萼綠華浪說瑤光曾奪
壻卻憐宛叔久無家胸前金索芙蓉袂臂上猩痕蚺
蜴砂寂寞蓮燈支靨坐黃庭一卷懺情芽

沙棠一舸泊芝城波面珊珊楚珮聲敢向藍橋求玉
杵漫從鴛牒證香盟帳中搔背彈紅爪簾下梳頭傍
紫瓊借得華鬢尾帚花階灑掃過平生

後朝真曲

醮室輕塵掩玉徽旃檀香染紫綃衣繡完古佛春將

老定入寒燈事盡非花貌羞從明月照雲情不礙亂
山圍門扇翠羽無消息祇有松梢鶴夜歸
鞦韆印香痕盡可憐日光釵焰翠幢邊夢中姪席都成
幻壁上秋波又破禪仙犬隔溪迎阮日驚鴻流影感
甄年玉京千里崎嶇路好趁夫人鷁首船

窈懷堂詩集

前編卷一

三



題爭正京千里湖海飄飄欲飲夫人澗首賦
深壑土瘠效又驚輒除大爾對映近日曾
幾日香泉盡可憐日光釵焰翠幢邊夢中姪席都成
山圍門扇翠羽無消息祇有松梢鶴夜歸
子家人與登車盡非蘇籛蓋發則民照雲計不礙亂

邃懷堂詩集前編卷二

寶山袁翼 穀廉

左傳續樂府

大興舒鐵雲孝廉著左傳樂府六十章仿尤西

堂先生明史樂府體也可謂老吏斷獄筆挾風

儀霜矣長夏山寺炎暑不侵偶習盲左意有所觸

復作續樂府二十篇補其所略

內蛇死

寡人亦有母母在大隧中寡人亦有弟弟已出奔共

邃懷堂詩集

前編卷一

射王中肩取王麥春秋之始為國賊兩世殉難勤王

功寤生繼起頻興戎欲挾天子令天下可惜才智非

奸雄山喬松兮隰遊龍我不見兮彼狡童內蛇鬪死

外蛇入兄弟相殺如而翁

堂鄙大鼎

狂且視妾如羅敷妾婿鬢鬢上大夫大夫之婦當乘

車何為露而途中途一顧傾人城孔氏之門圍甲兵

再顧傾人國先君之讓非全德君臣頸血猶未冷何

不去塗鄙大鼎

悲莫悲兮生別離南望燕子猶雙飛殺其所出朝其
國州吁天已奪其魄石碣稱純臣石厚真逆子何爲
卸事權坐視桓公死臣父他日必叛唐安得有子如
懷光臣子他日必從惡安得有父如石碣

大事決裂已如此謀及婦人宜其死當時父夫難兩
全一死而外無他矣雍糾之婦人盡夫雍糾之尸血
模糊仲逐君無臣綱女殺婿無夫綱不見慶家女弑
遂懷堂詩集

前編卷二

二

父盧蒲癸婦盧蒲姜

姨弗賓

眼熱心搖蔡獻舞以姨與人亦何苦楚王重色思細
腰合歡笙和班師饒默默看花淚如雨膝前玉雪佳
兒女夫人小字呼桃花桃花飛去不還家夫人愁花
含羞夫人喜花結子

割臂盟

英雄邀盟能割心美人邀盟亦割臂臙脂一抹守宮
砂世世生誓須記酖酒旨叔牙死子般禍起女公

子哀姜爲姪文姜姑南山崔崔多雄狐

鶴乘軒

將軍佩金玦夫人乘魚軒一鶴聲飛上天公何不
騎鶴背凌蒼烟冠從東方來可令麋鹿觸授甲將使
鶴鶴實食君祿渡河男女七百人風聲鶴唳疑追軍
他年化鶴公歸來河邊戰骨生青苔

作州兵

獻烝齊姜惠烝賈天道好還不相假懷嬴捧匱侍其
舅何以穆姬亦忘醜作爰田作州兵重耳創霸基已
遂懷堂詩集

前編卷二

三

成齊仲鄭僑兩霸佐鼎足而三陰飴甥九死不學唐
魏徵

同心河

桑無葉蠶飢時蠶哺葉妾死時重耳薄倖姜氏知以
死謝妾安敢辭天下有心人天下負心賊不見侯生
與古生一謝將軍一羽客紀綱三千人夫人嬴氏至
自秦處狄十二年季隗歸晉無迎輯患難與共安樂
難同弓藏鳥盡句踐沛公伉儷之情尙如此何況從
亡一介子

七奔命

夫差國以西施傾壽夢國以夏姬興英雄甘爲美人
死輔晉通吳從此始假手殲仇讐以吳制楚誠深謀
吳兒車戰兼水戰天心隱啓孫曹劉子重子反七奔
命楚卿究竟不如晉大才小用淚滿巾同時惜少蘆
中人

錮樂氏

夏姬殺其子欒祁亦如此深山大澤生龍蛇虎也幾
吞羊舌氏督戎誠力臣胥午亦奇士外援太遠內援
遂懷堂詩集
前編卷二
四
無彷彿彭城五大夫咄哉弑君賊詎有甘棠德樂厲
之惡未爲極武子之惡族宜赤

夢老人

秦穆殺三良魏顛嫁父妾結草夢老人杜回已顛蹶
驪宮魚燈照積尸三千粉黛埋妖姿望夷宮中走秦
鹿白組繫頸子嬰哭畢萬之後其必昌天道好還若
轉轂君不見地獄輪迴紀易經陰隲果報談邱明

黨陳氏

經術足炫世言語能文奸夫子譽平仲聖度宏如天

戰國管晏猶並稱仲父齒冷今如冰太公丁公不血
食歸邑誰畫陳桓策君不見草元子雲漢鉅儒新室
頭銜莽大夫

爭三駕

兄駮不能辨菽麥弟慧乃能霸晉國雲山將劃三晉
天天使孫周不永年爭三駕和諸戎九合諸侯八年
之中英雄少主誰與同東吳桓王周世宗

楚先畝

晉人弭兵晉師弱楚人衷甲楚氛惡春秋二百四十
遂懷堂詩集

前編卷二

五

年聚鐵難鑄一大錯邲戰孫叔敖智出伍參下宋盟
趙文子才豈子罕亞大局全勝一著輸天下無霸茲
權輿向戌名士如畫餅古來誤國皆公等

鸚鵡謠

公鳥妻昭伯鷄臣登臺君遜齊稠父安足惜惜哉子
家羈披肝瀝膽矢忠告鸚鵡鸚鵡同聲哭公何在在
乾侯帝何在在房州温公書法如春秋

建負我

輕軀細骨飛瓊僊驚魂壓貼雙肩尖無情有意兩不

言鬟絲低拂微臣冠微臣罪萬死幸無瓜李嫌蛾眉
吐辭義亦正匪冠婚媾成奇緣夜深同夢喚郎醒猶
話吳人入郢年

娶高國

求援則已援求繫則已繫所以世子忽齊女不敢娶
可憐敝無存志在娶高國先登死雷下裏尸不可得
胡公元女皆在齊高國之內將爲鸞英雄并挾兒女
氣迎樞惜少杞梁妻君不見天子不敢爲媒氏王謝
門高勝天子

遼懷堂詩集

前編卷二

六

呂姜髻

登此昆吾墟綿綿生之瓜三罪尙無死良夫爲艾叟
南子伯姬未衰歇各有秦宮花底活殺汝璧焉往髻
髮不復長呂姜黜歎宣姜胡然而天胡然帝鬢髮
如雲不屑髻

殺爾父

兵以義起自神武甲楯五千安足數後來伍相諫術
疎何不呼曰夫差爾忘越王殺爾父西施一笑含羞
眸火姑蘇兮沼長洲簫聲已向吳市歇瀨水猶作胥

濤流少年眞英雄愧殺宋高宗晚年可憐蟲酷似唐
莊宗甬東墓草離離色青山欲銜半邊日

印古琴市南書屋分詠美人得十六人

甄后

冀州西望念家山托命官家淚自潛才調舊曾推學
士奸雄老悔失紅顏玉臺寄恨宮中寫羅襪凌波夢
裏還狂煞劉楨竟平視一時驚起紫鸕班

小周后

繆夫何處續鸞絃阿妹承恩嬌小年衩鞮雙鈎羞話
選懷堂詩集

前編卷一

七

舊袈裟半夜共參禪臥來亭子留香夢自寫閨名入
奏箋唱到念家山破後人閒天上各淒然

紅綃

醪醢小院鎖瓊扉坐背蘭缸嘆息微明月已如菱鏡
滿美人忽共劍僊飛冰廳甘酪深深勸油壁春江緩
緩歸欲把黃金鑄摩勒累他倩女涕沾衣

朝雲

嶺外依依伴謫遷看山一路並香肩生成玉骨難禁
瘴死誦金經不羨僊楊柳綿吹芳草外梨花夢碎曉

雲邊傷心怕聽殘紅曲頭白南歸只自憐

薛靈芸

石葉香濃滿道途龍車百乘迓名姝靈心度盡金針
譜紅淚盛來玉唾壺波上芙蓉空妬色夢中雲雨欲
描圖燭臺高更凌銅雀孟德西陵齒冷無

楊太真

浴罷華清粉未施海棠紅汗濕香肌六州已共驚
鼙鼓一騎猶傳進荔枝愁鹿銜花春夢短牽牛留誓舊
情癡他生未卜今生了腸斷鈴聲夜雨時

遂懷堂詩集

前編卷二

八

吳絳僊

鳳舸憑肩不自禁黛螺五斛受恩深飽餐秀色簾前
倚催擘紅箋馬上吟下嫁總慚廝養卒再來孤負合
歡心長睂畫就空持檝惆悵江都錦纜沉

昭惠后

扶病欄干愛種花瑤光二十七年華歌傳金縷聞應
恚曲按霓裳續未差萬卷粉痕黏墨寶六宮淚眼話
琵琶焉知早逝非爲福鷄塞淒涼夢到家

真娘

留得青山葬細腰吳娘不復唱瀟瀟春風影老千人
石夜月魂來七里簫拾翠妓多猶上塚散花夢醒記
垂髻羅裙已分成灰久化作蘇堤粉蝶飄

班姬

永巷時垂玉筋痕紛紛巫蠱幾驚魂黃金欲買長門
賦素扇新捐舊日恩豈有蛾眉同帝輦空悲燕子啄
皇孫班家才媛開先軌佗看遺書續萬言

柳枝

十七髻齡豈慧舍柳枝結帶態嬌憨郎家舊住燕臺
邃懷堂詩集

前編卷一

九

北妾里新移洛水南淚濕青衣思錦瑟絲牽紅縷吐
春蠶一篇小序書花葉寄與朝雲貯玉函

潘淑妃

永壽珠簾月色清華粧半卸坐吹笙已憐佛面金難
剝又見蓮花地徧生市闕一宮皇帝醉鈴搖九子玉
兒驚寶釵零落埋殘磔小字模糊認未明

李夫人

腸斷延年一曲催虛堂風冷獨徘徊佳人絕世偏無
壽靈夢如烟欲到臺爲減芳容蒙被臥那堪落葉入

韓來畫圖繪出珊珊影宮閉甘泉不忍開
息夫人
三年脈脈鎖櫻脣色冠章華第一人薄命桃花畱小
字行雲神女記前身誰開別館疑窺艷時有啼痕欲
上顰惱煞狂且蔡獻舞替人作嫁太無因

半湖烟月占南朝玳瑁樑深貯細腰小字幾回傳樂
府相思一點付春潮愁來病態將花比散去香魂待
燕招留得畫圖窺幻影阿侯風貌似孌嬌

遂懷堂詩集

前編卷一

十

紅拂

將才天許屬蛾眉慧眼無雙絕世姿逐鹿中原同夢
裏驚鴻半夜卸粧時楊花已作無家別仙李猶開並
蒂枝曉起有人呼一妹金篦初理綠鬢絲

消暑

消暑

消暑

消暑

消暑

消暑

消暑

消暑

紙屏石枕寄生涯門外輪蹄跡久賒長日儘消棋客
局嬾雲時宿野人家濤翻瓦鼎烹香薷水汲銅瓶削
翠瓜到晚荳棚團坐處荒唐盲女唱琵琶

千竿竹影蔽炎曦邀得涼颺到絳帷遠夢慣隨雲水

去素心惟許鷺鷗知酒浮綠螳朝開甕詩學青蟲夜
吐絲一事未消脂粉氣荷花桂子愛填詞
不用移家消夏灣雙扉白板一溪環天低遠渡漁舟
外人釣平橋樹影閒身世孤槎浮漢渚音書靈雀誤
蓬山露桃花下當年事畫入屏風只等閒

竹外雷車響乍停不巾不屨坐空庭桐心已識秋來
苦蕉夢還從雨後醒側向蜂房窺蝶嬴剔開蛛網放
蜻蜓十三行字新摹仿更寫靈飛六甲經

閒揮麈尾愛清談十笏齋同彌勒龕有井人皆知柳
蘧懷堂詩集

前編卷一

七

七吹簫我欲訪張三蒼苔痕點眠琴石白柰香盛采
藥籃怪道昨宵殘暑退秋風消息到江南

好色相如渴未休荔支搗酢貯瓷甌飛絲屋角黏螢
尾新漲磯痕沒鳴頭乞唱雛姬金縷曲自封措大管
城侯十年未識風波性閒看兒童逐隊洄

秋懷

數聲飢雁落荒林葉戰窗蕉雨氣侵弱水豈無飛渡
日死灰常抱復然心通天臺下才人表化石岡頭少
婦砧底事芙蓉開獨晚累儂寂寞費秋吟

秋老梧桐院不開
燕奴去盡紫蘭催
山因樹禿移雲
補閣爲簾重礙月
來驚馬悲鳴思
昔蓓繫龍慚愧戴
蓬萊英雄漸老
黃金少淚灑西風
郭隗臺

消夏和友人韻

牙籤甲乙手新編
午倦藤牀放脚眠
雙漿人歸菱港
雨一聲蟬破竹樓
烟情深詎作焚琴
客炊斷思爲辟
穀僊幾度畫眉貧
女恨盼渠夫壻勒
燕然

小溪新鑿灌清瀾
濯足涓涓未覺寒
露重蝶翻香翅
濕月明魚上釣
鈎難頭燒酒烈
應嚴戒心字經
多不
遂懷堂詩集

前編卷二

七

耐看最愛招涼沙
岸背流螢數點撲
輕紈
客館蕭疎傍荻灣
幾回樂府唱刀環
談詩未得參三
昧佞佛何嘗守八
關雨長筍丁將礙
屋風搖榻影欲
移山早凋已有荒
園柳瘦盡纖腰感
小蠻
阿香車動散炎暉
水閣涼生扇罷揮
遠樹壓村穿電
綫亂峰飛劍割雲
衣客來問舍心常
厭病去梳頭髮
尙稀獨對南華參
妙諦鼠肝蟲臂悟
非非

坐久雕檐月影移
一鈎斜挂紫薇枝
夢遊河漢星皆
熱秋到梧桐鳥不
知慘綠易迷迴
馬路落紅已過嫁

人時退之自有南山句壓倒秦郎芍藥詩
小庭香散白蓮幽定有江妃解佩畱種得芭蕉常學
字養馴僊鶴亦登樓螭臍欲滿問漁父麴價新低豪
酒儔寂寞篝燈書一卷誦聲還與浪聲酬
非
蕉山雪舫上人醉中畫竹歌兼示高子廉劉孟
眉二君時八月十三日也

銀蟾欠我三分圓七分已照今宵筵波光如水盪酒
氣鯨魚渴吻流饒涎山僧大醉作龍嘯槎枒十指生
雲烟胸中有竹目無竹手中之竹忘其筌一枝干霄

邃懷堂詩集

前編卷一

十三

太轟轟一枝壓雨猶娟娟須臾萬葉不可辨但見墨
點龕如拳湖州丹邱渺難覲畫竹衣鉢沙門傳我亦
不訪蟬蛻仙我亦不參玉版禪此君風骨略相似歲
寒獨結空山緣蝸廬惜無十丈壁爲我栽徧青琅玕
北窗跛脚展長簟屋角瑟瑟生微湍男兒作郡須酒
泉不然便買瀟湘田軟塵未免太游戲焦公應賦歸
來篇開門看月倚修竹老鶴一聲催客眠
題友人鉏月種梅圖兼謝惠凍石印章
故人剝啄雪成陣來與梅花報芳信示我藐姑仙子

圖錫我青州從事印一枝分自西湖西一肩鴉背鉏
春泥三間老屋本臨水數年築就梅花堤曇花慧業
梅花骨鶴髦翛然嘯冰雪帳前翠羽雙明珠筆底珊
鈎一寸鐵搜羅椎篆八十家車渠花乳開均窪姜王
吾趙善摩仿秦螭周蚪驚盤拏豪鋸巧奪工倕腕割
取雲根細雕鑽拜石如過米老齋開圖且補林逋贊
梅花含笑石無言一重再立詩公案

遷居用東坡先生韻

吾家住扶桑茅屋亦光麗今年燕分巢家具移瑣細
邃懷堂詩集前編卷一

十四

空堂易新主樹鳥亦驚逝小婢負殘篋力弱不暇憩
書卷雜鍼線一一婦能記親戚送入門嬌兒舞階砌
鄰娃倚牆闌梅花壓鬢髻所嗟尚活券十載復蟬蛻
屋上掃瓦松窗前芟薜荔本無大厦懷幸值太平世
骨肉依故廬相違百步際人生常擾擾聚散如蚊蚋

登慧山絕頂

捫蘿直上白雲堆福地通靈九曲迴龍氣遠從京口
伏泉光寒挾太湖來踞窺藥鼎緣虛壑僧踏松花上
講臺我被山靈暗嘲笑蘭陵孤負酒千杯

呂城

阿蒙城址長蒿蓬依舊江流日夜東
遠岸樓臺殘月下巖更鼓角亂山
中爬沙大蟹時穿斲撲火秋蟲誤
打篷嘆息荊州人熟睡白衣樺子
竟英雄

白門雜詠

四山蒼翠撲衣寒隱隱樓臺馬上
看天付女兒消受處夕陽紅樹小
長干

月波小榭靠紅橋蠟淚成堆夜轉
遙一片湖光燈影裏柔奴檀板態
奴簫

遂懷堂詩集

前編卷二

五

柳腰舞倦尙纖纖小港斜通碧漲
添怪底衣香落如雨玉笄人倚棗
花簾

山色湖烟盡入樓雙飛海燕認簾
鈎鷗波亭上春風筆留與才人弔
莫愁

鸚哥學喚內家名蛾綠煙霜入品
評若箇女兒心更慧素紉繡出顧
眉生

女弟新霜點髻邊四絃哀怨抱當
筵張三生梗如張八零落簫聲百
廿年

騷壇管領百年中尙說漁洋是寓
公一桁丁簾殘月

小照他雙燕話秋風

愛吟紅豆愛鈔書小宛靈修總不如楊柳數株橋九

曲媚香樓閣玉真居

淮清橋寓齋題潘望之孝廉瀟湘水雲圖

練裙六幅繪瀟湘竹粉微黏綠綺床一片騷情秋色
裏楚天無際水雲涼

小結蘧廬綠玉天七條絃上證枯禪故人千里相思
夢飛到蒼梧欲化烟

閒將佳句刷琅玕又見龍孫解籜冠松子敲琴鸞鶴

邃懷堂詩集

前編卷一

七

嘯此中樓閣最高寒

渡口花明打槳迎蔣山如畫又逢卿酒闌倩作江南

弄秋雨秋風滿石城

爨桐身世託知音碧篠叢中抱膝吟別有淒清幽怨
處仙郎才調美人心

開圖鴻爪認前詩潘岳眞兼瘦沈姿記得焚香彈一

曲露桃花下月明時

京口重晤雪舫上人

禪榻三年感髻絲西風黃葉打頭時人閒絕少成仙

骨袖底還攜獻佛詩鳥倦方知歸路遠花開猶恨入
秋遲蒼茫獨立寒江上手采茱萸欲贈誰

銅琵琶撥自沈雄名士逃禪惜誌公

謂雪舫師借庵上人歸夢

久拋塵劫外故山常臥浪花中醉來潑墨能飛白定
後分身入軟紅消受繩牀連夜雨頭陀會裏剪秋菘
奚囊收得蒜山烟香火無端又結緣孤寺墻垣紅葉
外小橋蓑笠白雲邊談禪我不居師後成佛師宜在
我前高士有靈應不死一龕燈火薦寒泉

誤向蓬萊絕頂行罡輪吹墮黑雕城老僧別有西來
邃懷堂詩集

前編卷一

七

意遊子猶懷北上情杯酒天涯期十日精靈石上語

三生離家我便如行腳慣聽風聲與雨聲

借庵將移錫揚州西

來庵卽倪高士平野軒遺址

題王仲瞿先生烟霞萬古樓詩集

束髮學韻語倔強兼支離自謂天馬性不受人羈縻

時在孟嘗座

鉅野田若谷夫子

得挹曇首姿方瞳與修爪鶴

骨臞難支豈知書萬卷沸水傾漏卮須彌鬱方寸五

嶽爲之卑青眼視鑒子授以三昧詩異日當一軍勿

決羝羊籬天地亦太窄未足容須眉飄然舍茲去歸

隱鴛湖湄浮家書畫舫伉儷還肩隨十年不相見日
月雙梭馳每懷剡溪雪欲問元亭奇客來碧城館示
我瓊瑰辭夙昔本低首遂乃怡心脾騷壇競逐鹿各
有摩旌師或沿宋人派或啜唐人醕梅村與竹垞吳
越家家尸豈知性靈地造化無所私失之千里渺得
之方寸持先生揮巨刃笑卻千熊羆險語泣昌谷側
體參微之古者若彝鼎豔者如色絲香者散薜荀雄
者聞吼獅壯士舞垂手女郎舉大旗赤文雜綠字中
有仙風披嘔此一腔血白盡燈前髭寂寞身後事於
遂懷堂詩集

前編卷一

六

世何盈虧掩卷三歎息恐負髫年知上爲昭諫慟下

爲先生悲

我邑學海書院先生主講二年後由吳門回嘉興未幾下世聞詩集未梓也

雪舫以楊忠愍公墨刻見貽敬題其後

筆挾風霜字有棱臨摹一盃辨才燈鶴銘何必紛紛

訟卽此茗華勝百朋

當年黃閣墨如豬絕妙青詞寫步虛恐污安民剡石

手鈴山書似魯公書

蔡京封魯國公

青浦周泉南先生校余拙集賦此寄謝并呈沈

夢塘先生

逢人開口便說項不識真卿作何狀居則同地生同
時一水盈盈不相訪我詩草際寒號蟲與人補壁復
覆醬隱侯好事攜行囊君也嗜痴異五臟謬推馬邑
拳大旗濫許駕機門新樣教猿升木君有尤以蠡測
海我自况刻劃無鹽比西子世間絕倒修眉匠君言
昔在婁東城見我壁上柳枝唱我侍家尊立堂下未
敢直前揖叔向我憶昔在暨陽署入座有人氣倜儻
私心疑是周伯仁交臂失之太孟浪參升商沒亦何
因尹去邢來僅遙望誰知十載神已交夢魂不隔橫
邃懷堂詩集

前編卷一

九

雲嶂闔山吳水今迢遙

聞客閩中

讀君評語意彌悵知已

會合良有時况我與君尙強壯題詩仍寄雙鯉魚息

壤之盟君莫忘

羅溪別舍弟秋巖

男兒墮地志弧韜安得羣居似麋鹿十畝荒租一椽
屋縱有詩書不能讀乙科偶弋蟣蝨名謂可循資得
微祿遠行爲此首藉盤薪水高堂佐不足潦倒未有
如弟貧坐有奇詩在汝腹依人恥作呂布鷹敦行還
爲伯高鵠臨歧送我羅溪湄珍重風霜再三告杯前

揮手淚忽滋馬上聯牀夢猶續知汝晨昏解勸餐最
汝孱軀守如玉清門爲庶何足悲他年同享耕田福
婁江舟中畱別高子廉劉孟眉陳海霞俞子起
蓬底行厨佐餞卮婁江冰泮水澌澌埋頭蘿屋三更
後出手鉛刀一割時雕鷄升沈前路判鷄蟲得失寸
心知平生慣作依人客此去豬肝累阿誰

辦裝錢少鷁舟輕羸僕還隨太瘦生鉅釘文章供覆

甌倚閨心事感搖旌月窺蕭寺初三魄天入吳閨第

遼懷堂詩集

前編卷一

三

一程知已分璋良不易十年意氣壓高荆

偶負虛聲嚇鼠餘當關人物足軒渠敢期宦海撈銅

印略識名山讀寶書三豕須撐燈下曉萬羊恐踏夢

中蔬淮南不入天仙隊祇爲狂奴態未除

一旬蘭漿二旬鞞休唱唇乾來日難贈友風前遊子

淚勸農堂上老親餐河流竹箭三千里泰嶽松根五

十盤如此詩材天付與郵筒待寄故人看

梅花嶺拜史忠正公衣冠墓

壯士猶揮落日戈降王執挺渡黃河力扶江表偏安

局夢讀生前正氣歌一旅迎君亂龍種中原無地葬
相傳公殉節於江軍中被亂兵所殺 梅花不識
者裨將某欲免公於難僞爲公也 興亡恨管得春風嶺上多

露筋祠

陰陰山木女郎祠淮水湯湯照素姿江上靈風驅白
鳥花開香霧護朱旗金剛不壞女菩薩野廟非詭杜
拾遺翠羽明璫神幔捲瑤階低首拜蛾眉

袁江舟次偶成

盈盈含淚捧瑤樽東睇淮雲一抹痕我是春風門外
遠懷堂詩集 前編卷二 三
客看人離別亦銷魂

穀城山月夜過西楚霸王墓

英雄帳下一杯酒美人帳下一七首英雄美人各千
古氣壓真龍與功狗鴻門不殺隆準公君人之度何
涵容九江淮陰倘能用安知不以功名終當年趙括
太草草長平十萬坑如掃渡江子弟八千人大王乃
愧江東老中原逐鹿事不成漢家難縛生田橫美人
香骨葬靈璧可惜不與王同塋四絃嘈嘈山月黑疑
是楚聲聽不得杜默祠中哭憤王我向墳前哭杜默

陳思王墓下作

隱隱魚山鎖黛眉墓田春老豆無其芙蓉公子靈修
怨羅襪甄妃後代疑白馬心悲三徙國黃初才屢六
朝詩素衣流涕思亡漢地下奸雄愧此兒

荏平馬周故里

十千錢醉新豐酒二十函陳直諫章前席君臣追太
傅凌雲知遇感中郎風塵豈乞腰間紫火色眞騰額
上黃猶有翠華宮畔宅殘磚何處弔斜陽

訪眇山人故里

邃懷堂詩集

前編卷一

三五

布衣聲價重蘭臺海內論交倒屣來愛女窺簾昭諫
醜藐孤蒙袂孝標哀無雙樂府誇王建第一琵琶說
善才愁對金梁橋上月暮年心事盡成灰

鄭州道中懷古

有父不識臬振雞叩頭乃父耶律夷坐使中原三百
載燕雲不屬香孩兒摩笄山南飛狐老王氣夜塞居
庸道督亢圖窮七首來壯士武陽惜草草美人彈箏
臂已斷祖龍負劍殿空遶至今易水風蕭蕭荆卿之
血慘不消英雄豈以成敗論石郎劉郎皆鷓鴣七十

二沽春水碧捲起蘆簾雪花白驢背繫寒入酒家疑
是燕丹白衣客隔鄰花面河閒倡中夜嗽嘈唱弋陽
金戈鐵甲邊城將異代猶傳楊六郎宋楊延昭守此
土契丹畏之呼
曰六郎

代哺吟

仲瑜甫二載仲瑜遠遊不歸四十六年存沒
不知也婦養舅姑以孝聞沒後格於例不得

旌里人私謚曰貞孝

遂懷堂詩集

前編卷二

三

烏生雛尾畢逋一朝辭故巢失路棲江湖燕南塞北

天一隅老烏繞樹啞啞呼予羽譙兮予口瘖嗟吁生

雛兮不作反哺烏

解一

母曰予季父曰予子倚門倚閭

日月其逝慈母手中線不繫遊子心遊子行萬里不

傳尺素音寶韜妻迴文機蘇氏婦望白衣春草生兮

萋萋杜鵑啼兮人不歸

解二

妾心如古井井水不生漪

妾心如蓼蟲茹苦甘如飴朝春黃梁廚不盈石暮織

素縑軸不盈尺鸞鏡封塵髮封帛四十六年代夫職

君不見舅姑盤中粒粒餐孝婦心頭點點血

解三

堂上

列鼎不如烹嘗孝子笋身上被執縞不如手編孝
婦草孝婦編草十指鞞天香滿室生慈雲孝婦之心
百鍊鐵散花鹿女菩提佛

四解

同葛鐵生孝廉遊法源寺

軟紅塵海裏一寺獨清涼鶴認前朝樹猿參選佛場
法輪消戰骨金地護秋香

寺僧栽菊甚盛

披徑尋殘碣靈芝

字數行

寺有蘇靈芝寶塔頌文陷不可辨

三敗餘生在吞氊志不磨簽名悲謝后灑血慟曹娥
劫懺紅羊盡魂銷白草多建陽殘瓦在銅雀共摩挲

遷懷堂詩集

前編卷二

三

出齊化門抵通州

馳道如弦直單車出紫城北河分角淀左輔拱

神京闡設松林險隄環石壩平千艘銜尾泊燈火落

三更

崇明黃觀天以老病客南皮作詩見貽次韻答

之

雨急風斜裏長蘆買權來一軍隄上柳五月笛中梅
路隔鳴烏嶺天低射雉臺如何羈旅客頭白戀樽罍
五載南皮住登樓望故鄉詩吟吳質麗人怨次公狂

棋外談枯劫爐邊鍊俠腸還思渡易水知閱幾星霜
新城老杞篇

癸未六月徐九臯參戎招往天津官署署在
新城堡國初經略將軍行廨也廢園中老
杞一本相傳爲金源故物高二丈餘紅實萬
顆大如含桃某參戎惡其蒙翳發卒掘之有
修蛇數丈窟其下兩頰頭蝦長二尺許巨如
斗戟鬚翕張蟄伏蛇腹驚悸而覆之杞得無
恙老卒語余曰園中精靈夜見其卽是物耶

邃懷堂詩集

前編卷二

五

因爲記勒諸廳壁并系以詩

吾聞常山之巖仙人杖千歲不死根成形又聞華陽
能辨棠邑種脂膏蟠結如松苓幻爲小兒與蒼狗入
地出地通神靈飛花指點將軍屨曲榭修廊半頽敗
摩挲老杞六百年閱過滄桑幾朝代高枝天矯低瘦
堅狃狃夜吠隔巷傳苞杞不敢數典故毋乃未讀蘇
詩箋此間大澤多古隧鬼嘯狐鳴走魑魅黃沙漠漠
戰壘高老樹橫撐夜叉臂葛化爲烏豕立啼柱能生
花火生泥與人無爭亦無患何必昭王華表溫郎犀

一朝甲士長鋏劇刈蕙耬蘭公太俗南門交鬪鄭人
驚芒碭夜行老嫗哭蜿蜒螻蛄開金鱗領珠吞吐如
神踰長鬚謝豹作君長青綃裹體紅綸巾龍種變化
不可測螻屈似待風雷伸若非劉寄奴莫發荻洲矢
又疑爲錢龍詭說見南史青羊豢伏梓樹精赤蟻喧
集槐柯市迦藍寺中五丈桑斧斯見血驚而止世間
飛潛動植神或憑何況淮南服食長生杞惜哉爾本
潛虬姿託身草莽非昆池玉京不收王母譴俗世齷
齷爲其疑將軍三嘆命進酒大樹西風作龍吼

邃懷堂詩集

前編卷一

三

酒壺盧學士歌用方雪齋詩集中韻

原引云觀音寺街酒家作

壺

一酒標子冠巾頭面如學士狀自項以下皆壺盧也瘦銅先生以爲太白作壺盧學士歌

其韻

因次

生則金鑿殿上趨死則爛醉眠天厨偷桃小兒共遊
戲將身跳入壺公壺壺中世界太踟躕化身百億長
安衢翰林學士頭銜孤不如着犢鼻禪來當壚力士
脫靴妃捧硯不如家戶戶祝高陽徒細腰大腹飄髭
鬚闕人塵海雙清驢傀儡面目假復假蕩落身世觚
不觚撐腸或恐吐芒角去足幸免嘲侏儒騎鯨下觀

掩口笑仙才本儲五石瓠此中猶有班固書千金休
賣浮江湖綠章我欲奏天帝玉節宣召歸元都世間
齷齪不可居霞漿星髓皆醍醐倘教達官貴人問江
東長柄攜來無吁嗟乎江東長柄攜來無一聲孤負
心區區

冰牀行

元冥縮水真神通鍊成銀汞開鴻蒙三千鸞帚掃塵
使菱花鏡面揩青銅濟人寶筏在彼岸瑤池直接琉
璃宮清涼世界鑿毫髮寒裳聯袂遊壺中板牀七尺

邃懷堂詩集

前編卷一

七

覆以褐足底鋸棱兩條鐵長繩如絳負之趨滑澹湘
紋一綫裂天公猶恐履薄險鋪襯鷺毛片片雪牀上
牀下客不分冰上冰下語不隔磚鑪向火骨太寒陸
地行舟技何拙雕鞍繡轂駐河濱似妬蒲帆順風掣
酒酣耳熱水底眠奔狐休詫聲濺濺光明閃爍炫銀
海萬斛坐擁珍珠船或者禪牀四大本空濶臥我白
玉須彌天或者水晶道人弄狡獪一榻爲我空中懸
吁嗟冰山倚可怖腳踏實地聊安步柳梢昨夜春風
歸笠篔簹急唱公無渡

除夕虎坊橋夜歸示莊子涵大令
闌珊星斗壓檐低尺五城南路易迷欲認一雙鴻爪
跡銅街多是雪花泥

萬家利市貼紅箋愁話團欒柏子筵閒煞兩人人海
裏天涯不算過新年

潞河舟中偶成

牖上神囷牖下橋五門雉堞聳岩曉符簷簸弄獮麟
駛吹轉張家灣口潮

富民侯領大司農輓運南來貯石墉笑我吳田無十

邃懷堂詩集

前編卷二

三

畝艱難一飯替人春

上谷漁陽徼郡雄萬家煙樹鳳城東夜深酒渴推蓬
立沙岸如弦月似弓

鈴鐺街

寓近鈴鐺閣通衢市井囂鹽盆輸竈戶竹筏架緹橋
皮肆西人集京腔北里嬌軍船檣似櫛夜漲直沽潮

青縣道中

水塌逃亡屋舟從屋上過中條循吏少故道九河多
抱木人餐酪封樁粟化螺春陵傳樂府我亦和哀歌

